

Headline	THT tekad tewaskan TNB		
MediaTitle	Sinar Harian		
Date	18 Sep 2016	Language	Malay
Circulation	279,000	Readership	837,000
Section	Sukan	Page No	55
ArticleSize	249 cm ²	Journalist	N/A
PR Value	RM 12,742		



THT tekad tewaskan TNB

PASUKAN Hoki Terengganu (THT) hanya selangkah lagi menghampiri misi mempertahankan kejuaraan Liga Premier Hoki Malaysia (MHL-TNB) 2016 apabila hanya perlu menang dengan Tenaga Nasional Berhad (TNB) aksi terakhir, hari ini.

Pengendalinya, Sarjit Singh berkata, pemainnya tidak boleh melepaskan peluang keemasan apatah lagi bakal bermain di laman sendiri dan mendapat sorakan di hadapan ribuan penyokong sendiri.

Peluang THT muncul juara liga mula cerah apabila menundukkan Sapura 4-1 dalam perlawanan yang berlangsung kelmarin.

"Pada saya, kami bermain perlawanan paling cemerlang tahun ini ketika menundukkan Sapura dan merampas kedudukan pendahulu daripada kelab itu. Selain itu, TNB juga sedikit sebanyak 'membantu' kami apabila melakukan *upset* ke



Pemain THT meraikan jaringan ketika menewaskan Sapura 4-1, kelmarin.

atas Kelab Hoki Kuala Lumpur (KLHC).

"Jadi kami berpeluang mempertahankan kejuaraan liga. Pemain saya juga sudah tentu bersemangat untuk menjulang kejuaraan berturut-turut," katanya.

Sementara itu, pengendali TNB, Amin Rahim berjanji tidak

akan membiarkan THT menang mudah seterusnya berazam untuk menghalang pasukan itu daripada menjulang kejuaraan liga.

"Kami mampu mengejutkan KLHC dan tidak mustahil kami juga akan tewaskan THT. Yang pasti kami tidak akan beri laluan mudah," katanya.



MHL-TNB 2016

■ PERLAWANAAN

HARI INI

THT *hvn* TNB
(Std Hoki Batu Burok, 5.30 petang)

Sapura *hvn* Maybank
(Std Tun Razak, 6 petang)

KLHC *hvn* UniKL
(Std Lembah Pantai, 8 malam)

FOTO KREDIT: THT